

II - AKTI GRADONAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-11-1322/23-AP-2
Datum: 22.05.2023. godine

GRADSKO VIJEĆE
ZAVIDOVIĆI

PREDMET: Izvještaj o izvršenju Budžeta Grada Zavidovići
za period 01.01.-31.12.2022. godine, dostavlja se

I - UVOD

Članom 96. Zakona o budžetima u Federaciji Bosne i Hercegovine („Službene novine F BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22), propisana je obaveza izvještavanja parlamenta o izvršenju budžeta za prethodnu godinu, a članom 10. Privremene Statutarne Odluke Grada Zavidovići („Službeni glasnik Grada Zavidovići“, broj: 4/22) propisano je da Gradsko vijeće, u okviru svoje nadležnosti donosi i godišnji Izvještaj o izvršenju Budžeta Grada na prijedlog Gradonačelnika i shodno tome podnosi se Izvještaj o izvršenju Budžeta Grada Zavidovići za period 01.01.-31.12.2022. godine.

Gradsko vijeće Zavidovići, dana 29.12.2021. godine, donijelo je Budžet Grada Zavidovići za 2022. godinu u iznosu od 12.716.938,91 KM, dana 29.07.2022. godine donijelo je Izmjene i dopune Budžeta Grada Zavidovići za 2022. godinu u iznosu od 14.988.198,69 KM, dana 31.10.2022. godine donijelo je Izmjene i dopune Budžeta Grada Zavidovići za 2022. godinu u iznosu od 17.720.871,60 KM i dana 29.12.2022. godine donijelo je Izmjene i dopune Budžeta Grada Zavidovići za 2022. godinu u iznosu od 19.415.514,79 KM.

Uzimajući u obzir odluke o uvećanju i preraspodjele sredstava, Budžet Grada Zavidovići za 2022. godinu iznosio je 19.452.264,12 KM.

Izvještaj za 2022. godinu, sadrži plan prihoda i primitaka, kao i plan rashoda i izdataka za 2022. godinu, plan za 2022. godinu sa uvrštenim rješenjima o preraspodjelama i odlukama o uvećanju budžeta, ostvarene prihode i primitke kao i rashode i izdatke u 2022. godini, ostvarene prihode i primitke kao i rashode i izdatke u 2021. godini, uporedne pokazatelje kao i trošak sredstava iz tekuće budžetske rezervi.

U 2022. godini ostvareni su ukupni prihodi i primici u iznosu 14.260.213,08 KM, što je 73,31% u odnosu na plan, odnosno 137,08% u odnosu na ostvarenje ukupnih prihoda u 2021. godini. Ukupni rashodi i izdaci izvršeni su u iznosu 14.056.161,90 KM, što iznosi 72,26% u odnosu na plan, odnosno 144,89% u odnosu na izvršene rashode i izdatke u 2021. godini.

Na dan 31.12.2022. godine, ostvaren je suficit u iznosu od 204.051,18 KM.